



16
2559
3



16
2559
3

鈴山先生集卷第七目錄

詩

初拜留院少師相

韻拜酬

奉酬汪石潭宗伯

奉酬翟石門兄

夕次潞河懷寄館閣僚友二首

奉迎慈聖歌

東昌驛下逢少保鵞湖相公赴召敬抒贈賀

德州董子廟

翰林齋宿

鈴山先生集卷第七目錄



汪司成學省齋宿寄贈

禱雨曉出神樂觀

欽佩南原草堂集別

黃伯固奉表入智餞以是詩

張子常甫自翰林出督學旋以病告寄贈

新作院署之堂汪司成先生有詩用韻和酌

和郭司業官舍器咏

酬和少宗伯汪先生省中歲月見懷之作

石潭先生榮進戶侍兼副史旬用韻酬贈

送王中丞赴召

贈林大理茂貞

楊侍御史蜀

待月集宗伯鳳山邸第

送禮侍吳公赴召

蔣戶侍省墓送贈

贈邵僉憲

奉送司寇趙公入覲

贈寇京兆

贈邊太常黎銀臺北覲

暮春神樂觀餞方便君

贈少司寇胡公赴召

贈太宰羅公歸省

大司馬廖公致政

贈楊月湖先生

寄壽少傅遂翁先生

太宰楊公考績進贈

送司徒秦公入朝

觀雪登清涼山餞

送魯給事之江西

贈寇都憲赴鎮

從

送邊都憲召學士

顧山人壽詩

朱潤軒壽

徐氏東園觀梅

喜雨二首

喜雨和胡都憲

喜雨和汪宗伯

喜雨和秦宗伯

喜雨和郭司業

贈友

簡尚賓將歸賦贈

贈葉刑部

吳司空舊家嘉魚有東湖徙居蒼梧作東湖書院

命予賦

題羅太守畫

聶君持梅卷請題走筆贈之

無錫茹氏惜陰樓其先世所創良澤請題

酬陸司業見寄秋懷之作

登金陵觀音山

和顧東橋憲長遊天界寺之作

寄壽高仰峰先生

蔡氏澹永府

鈴山堂集卷第七

詩留院蒙

初拜留院少師相公贈詩用韻拜酌

金陵樓閣倚天開
玉署晴雲覆禁槐
薦賦敢希文似者
拜恩直荷市俞哉
鴻鈞播物寧論德
豹管窺斑却愧才
拭目廟堂喜起五星重
聚鳳凰來

奉酬石潭宗伯

八座高銜心絕攀
兩朝清望重於山
招延雋老皆登用
揣量非才合置閒
駑駘豈復思千里
廣廈終期庇萬間
誰意用儒逢世理
一尊相屬重開顏

奉酬崔石門兄

春明別棹問南京誰道君猶羨我榮戀闕已瞻紅日遠
忝官仍喜玉堂清鳩巢計晒經營拙魚飯心憐去住輕
十七年中同宦侶細論離合倍關情

夕次寄館閣寮友

朝遊燕臺夕宿潞河濱空洲牽積水廣陌足流塵情
憶離尊滿年傷別袂頻玉署星辰切金陵月露新
虛薄忝朝藉文館廁英僚蘿施攀松栢葭倚接瓊瑤鳥
有同棲樹魚憐獨上潮江海參辰隔流盼

奉迎慈聖歌

綠水雲搖殿別龍艘日照錦帆來千盤玉膳分船進

百騎銀璫

奉御回

御氣金門起鬱燭至尊當殿候鳴鑿玉食真移九州養
龍樓長奉萬年歡

濮園議禮伸輿論代邸崇恩本聖情正陽文母遵門入

五鳳英皇却輦迎

先是禮官議聖母從東安門入
御此從正陽中門上出迎至午門

東昌驛下逢少保鵞湖相公赴召是日大行人齋

勅迎勞遠至敬抒贈賀

直道誰云竟忤時如公親結九重知大賢出處關朝運
聖代謀謨重鼎司龍紙纔開天咫尺使輶重遣路透遲

試論再入中書事文呂于今復見之潞公文穆也

德州董子廟

重生讀書處寂寞臨高臺門墻窺孔室編簡拾秦灰業
守三餘積宮存一畝開墨池春草遍園木晚禽來獨有
賢良策人稱王佐才

翰林齋宿

郊禋元歲盛聲明玉署深寒宿舊京長樂聽鐘天已遠
鍾陵對雪夢猶清池頭星斗歸環珮城上風雲颭旆旌
鷄侶此時皆侍從綵毫春色賦初成

汪司成學省齋宿寄贈

清宵琴鐸靜齋虛悵望無因奉起居寺近獨吟孤嶂雪
燭明親校六堂書雲中比翼瞻鴻鴈河畔開緘憶鯉魚
漸擬謝池春草發清詩幽夢復何如

禱雨曉出神樂觀

燈火嚴城啟樓臺秘苑通精明石壇月婁斷栢林風望
極仍延佇憂深尚蘊隆辦香勤祝史何以格白雲

欽佩南原草堂集別

梁苑乘驄馬秦淮掩竹扉因憐奉丹詔不得羨荷衣古
星秋山近清池夕鳥飛故人從此去吾至欲何依

黃子伯固昔為兵部郎官率同列諫止巡幸被杖

斥歸 今上登極起為南京大理丞奉表入賀

餞以是詩

明到鳳樓聽漏日漢儀重觀淚堪垂伏蒲舊侶誰同在
薦藁芳名帝獨知驂騑起步諳長道鷓鴣崇班戀赤蓮
悉將金鑑千秋錄為獻 南山萬壽卮

張子常甫自翰林出督學旋以病告寄贈

登朝與子最情親院宿郊遊事已陳
重歸山逕業猶貧過栽松菊疑真隱且廢謳吟惜病身
燕乳蝶飛烟草綠相思難寄秣陵春

新作院署一堂汪司成投贈佳篇用韻和酬

偶鋤荒圯得清深更置芸編對素琴涼吹瀉軒翻竹韻
朝陽臨砌捧葵心高依鳳闕知天近淨掃蛩堦與月侵
幸有大賢携晚進文觴幾度愜幽尋

金鑿西畔玉堂深鳳沼雲泉滴暗琴已藉典謨開駿業
更留烟月寄閒心池栽修竹藏鸚語亭覆荒碑見蘚侵
牛渚故逢仙子問桃源不遣世人尋

和郭司業官舍閒咏

堦西眾山處重到有餘情地是名賢宅庭栽古栢成夕
嵐迷疊嶂秋雨過高城最愛攤書坐窻燈映竹清
菴昔居此有所植柏存

前日瀛洲侶回來白下居真能忘爾汝時復到堦除魚
筍供常宴朱鉛校古書南都官况僻躉免聽朝車
池寬新雨後山翠夕陽時秀句無心得幽懷只自知暮
鐘來古寺秋槿徧踈籬欲踐移尊約新涼月色宜

酬和少宗伯汪先生省中步月見懷之作

南宮風露溢清寒華月當窻轉玉盤始信仙蹤隔塵土
漫憐浮世有悲歡茶烹石鼎分池雪香熱金鑪和澤蘭
忽荷雲章寄邊署欲携春興伴花壇

夜深高咏在虛亭無柰嶒光影竹青對樹棲鴉眠自在
傍城更柝話丁寧歌餘白雪翻瑤瑟興入滄洲拂畫屏

入事故逢清景少賞心長爲碧雲停

石潭先生榮進吏侍兼副史局用韻賀贈

鳳日龍霄近欲攀仙蹤元只在蓬山盡誇榮寵從今盛
長擬門庭似舊開羣才總屬陶鈞地一字猶嚴袞斧間
當日相從今遠別玉堂涼月愛清顏

送王中丞赴召前在豫章有平難之績

繡斧清霜避樓船綠水開風雲千曆會麟鳳眾賢來投
老仍嚴召當途賴上才向來籌策地投檄淨烽埃

贈林大理茂貞

爾別河橋繫我思柳枝攀贈綠烟絲中興奏議看前輩

南國聲名重棘司今古祗應榮節概
聖明奚忍負恩私明庭此去觀夔契好續徂
徠聖德詩

楊侍御使蜀

江草萋萋江水長使輶聞欲度瀟湘
開帆夜坐星河色載筆春吟柱若香
綵繡過家非舊服皂囊還闕有新章
西州五月無炎暑應避青驄滿路霜

待月集宗伯鳳山邸第

風梧翻夕籟雲葉漏輕光東林初上月
華館更留觴寅

清欣務簡宴語接宵長方占德星聚
復咏棣華芳時公弟初

主

送禮侍吳公赴召

文昌星彩動南宮徵拜三卿寵數崇
承旨故隨宗伯後致辭初入謝班中
披雲近覩長安日擊水高搏渤海風
朝省事頻閒日少回看烟月憶江東

蔣戶侍省墓送贈

楚江秋潦淨巴嶺夕雲重烟鳥隨孤舫
鄉山刊萬峰窻圍餘舊菊墟墓長高松
國計遙相待期君隔歲逢

贈邵僉憲

幽蘭闕芳馨白壁懷堅貞端若不踰闕
奕奕當世名刻薦馳雲陛鶴書賁柴荆
直道昔忤時今爲士所榮始感

白日照親見黃河清恭翼承 皇命慷慨發修程驄車列
城避鳥道千峰行水郵經禁甸海嶠浮昆明飲水徇苦
節擊隼蜚英聲揮手自茲別 許身良不輕

奉送司寇趙公入 覲

羣公得句鏘鳴球司寇引杯登綵舟金函奉表江東發
銀漢乘槎天上遊六月滄洲不知暑夜泊風烟渺何許
遠勢斜分清泗流新涼早入長楊樹羨公懷抱有餘清
臨流見月幾詩成調高白雪誰同和行愛青山自問名
公今去國已經時星履重來上赤墀臯陶淑問持邦憲
閱道清忠結 王知 純皇 當日擢羣英三十餘年並

列卿廟堂正

和經綸業江海猶傳冰蘂聲

贈寇京 北

宦情鄉思渺 難裁悵望春帆帶雨開芳草不堪頻送客
暮雲何處獨 登臺閭閻解說循良政廊廟元須卓異才
借問府中林館勝棠花應候使車回

贈邊太常黎銀臺北覲

兩卿南國掣同上赤墀行接羽鶴鸞貴論言玉雪清冠
裳臨偉饒風雨發嚴程遙羨川途興新詩幾許成
莽莽龍河雪雙帆幾日開亦知從此別已是隔年回
馬春城並衣冠曉仗催驛亭梅柳色來往送行杯

暮春袖樂觀餞方使君

登臨南郭久相期忽漫看山是別時童子正宜春服咏
使君莫爲一尊辭林中坐石焚香靜花裏穿雲出洞遲
欲贈美人無綳紵石壇折取古松枝

贈少司寇胡公赴召

秣陵佳勝幾招邀公去風騷歎寂寥耆俊纔登台鼎地
乾坤今覩聖明朝鷗鷺擊水辭瀛海鷺鷥排雲上紫霄
黃花送酒細留醉滄浦鳴榔惜去遙

贈太守羅公歸省

學親詔賜驛旂行祖席南都盡列卿裴宰重名懸水鏡
秦公家範列首纓日臨化國春逾永星躅澄江德共明
已報遠書傳勿藥要知虛席待持衡

大司馬參公致政

兩都清望許誰先留鑰恩深遽引年陵路曉辭松罷雪
江船春坐水連天山林歲月從今得編簡勲名與世傳
舊里龍灣草室勝手栽松菊故依然

贈楊月湖先生

塵外高蹤何處尋白雲依岫鳥歸林才於濟世施難盡
學爲逢原得最深獨抱韋編閒自註靜觀庭草坐長吟
門牆已隔春風地江漢徒懸北斗心

寄壽少傅遂翁先生

累朝望重經綸地五畝情怡水竹間天下正須安石起
洛中猶放涑翁閒詩尋丁卯橋邊宅舟放金焦寺裡山
毳馬燁如尊俎勝隱園高會渺難扳

太宰楊公考績送贈

相業當朝文敏最直看家學到今公笏牀經笥傳何遠
岐鳳郊麟瑞本同政以經綸歸重望久知清白振高風
國恩世受何爲報多在山公啟事中

送司徒秦公入朝

鷺渚鍾陵無到時江上流移何日少眼中經濟屬公宜
東曹齋閣松陰在幾借前籌退食遲

觀雪登清涼山餞秦司徒

巖壑風烟積樓臺氣色寒祗園最高處飛雪更宜看鶴
近璫空舞花依綺席漫中臺趣嚴召南斗寄餘歡

送魯給事之江西

遠別逢春望轉迷柳條縈綠草新齊回看紫禁烟霄上
獨宿征帆楚水西事往不堪聞戰伐憂分行可慰黔黎
城邊高閣臨江在閒對山雲續舊題

贈寇都憲赴鎮

上谷風烟鉅鎮開雄關疊嶂鎖縈迴山川故識鸞輿幸
戎落新驚繡斧來畊牧總叨明聖力保釐多倚憲臣才
秋城落日烽塵靜倚劍遙登萬里臺

送邊都憲召掌扎臺

詔書宣召北門歸戀闕懷鄉願不遑行愛雲山過舊里
步紆星履上彤闈朝廷正倚臺綱重天日長瞻帝座輝
雄俊古稱三獨坐百寮回首避霜威

顧山人壽詩

最憶蕪城車馬地草堂花竹淨風烟地偏廛市同真隱
貌古衣冠似列仙清愛碧簫吹海月靜看玄鶴舞芝田
綠蒲青艾俱生色歲歲開尊午日前

朱潤軒壽

他鄉獻壽逢新歲同里相過總近親行樂不妨時序改
交驩惟有酒盃頻岸花櫛燕能留客對水看山不負春
聞說揮金多義事江城無限待鋪人

徐氏東園觀梅

東閣開筵雪樹春主情花意共清真似憐標格初經眼
自識芳香久襲人鸞鷲故移天上種珊瑚不受世間塵
習池賓客俱名勝雅尚從知德有鄰

喜雨

南國夏無雨鍾山朝出雲精虔三日禱甘澍萬家分野
愛商羊羽池憐蜥蜴羣康衢今日頌一飯是吾君
卧聞清雨至蕭颯浣煩襟開軒進荷氣閉院靜鷗音鳳
沼流泉細彤樓隱霧深隱几聽修竹何異在山林

喜雨和胡都憲

沾席敲窗慰客心院池新水坐來深煩襟正解塵中渴
好事如聽谷裏音霑霽總隨和氣洽蕭森時逐遠風沉
天公只借須臾力明日郊原看綠陰

喜雨和汪宗伯

帳望星河作夜晴曉聞零雨度高城乍迷雲岫氛氳合

亂入槐軒淅瀝鳴正有清涼破炎毒

郊原明日堪携酒自喜吾兼吏隱名

喜雨和秦宗伯

焦枯何計訛吹嘘一雨全勝萬斛珠看舞商羊應得意
聽鞭蜥蜴最憐渠涼開竹簟眠方穩日飯盤蔬味自腴
志喜有詩傳畫省巴人慚和郢歌餘

喜雨和郭司業

入秋忽聽翻江雨長夏空瞻落檻雲頓失塵熇淨如洗
乍迷山翠杳難分民情正望倉箱富神薦猶憑黍稷芬
更喜清涼慰幽獨簡編遙夜坐膏焚

贈友

大江渺千里金陵麗五雲
枉棹特垂訪念子意何勤
久客懷故知相見各欣欣
且復話鄉邑不厭窮朝曛
留都羅羣署詞林最蕭閒
古屋蔭榭栢時見簷前山
圖史紛座隅披玩豁心顏
與子坐永日清風竹珊珊
北風吹層波高帆疾於馬
矯首望雲山日夕到鄉舍
親友慰遠歸春杯正堪把
故園多所歎薄宦何爲者

簡尚賓將歸賦贈

相留忽是一年期落葉西風話別時
賓館寂寥寒榻在更情涼薄故人知
舟衝露雨帆飛遠書憶鄉園鴈到遲

明日古槐修竹裏玉亭坐

誰

贈葉刑部

把酒逢宵月登車犯早寒
逶迤涉道日夕望長安
霜蹄看驥展風翮羨鵬搏
以我僻居者殷勤懷所歎
遲歸秣陵署高咏對雲巒

吳司空舊家嘉魚有東湖徙居蒼梧作東湖書院

命予賦

問訊東湖第司空此卜居清瀾堪悟道
石室可藏書野綠開裴閣花香引邵車
蒼梧轉竒勝風景似嘉魚

題羅太守畫

何處林居好移來庭壁間風泉留噴薄雲嶠鎖孱顏谿
憶浮槎到峰疑采藥還郡齋收印坐知爾飽看山
谿山畫瑤素曉霽更宜人不悟梁園雪虛疑芳樹春劉
舟乘興逸郢曲和歌新懷君當此夕難辭渴心塵

聶君持梅雪卷請題走筆贈之

鷺沙尺書何口傳聶君近泊金陵船到門覽刺亟出迓
手度雅樸神翛然書云此君樂幽尚十年寄跡江湖邊
平生愛梅有真癖梅雪自號爭清妍瓊姿綽約種萬本
茅茷正在春風前芒屨緩步石逕月在杖獨往青林烟
有時臨流發孤嘯風致髣髴疑逋仙只宜踈曠學肩

此詩與詩補思履經青蚨沽酒與之醉散髮岸幘歌青天
叶陰君亦不俗揮毫贈爾梅花篇

無錫茹氏惜陰樓其先世所創民澤請題

茹翁讀書處高樓各惜陰捲幔燈烟在開軒草帶深古
人勤志業我輩得規箴爲誦陶公傳千秋見苦心

酬陸司業見寄秋懷之作

書囊藥裹鎮吾隨岐路東西豈預期多病祇憐癯骨在
素心惟荷故人知遊魚遠水書難寄碧樹高雲意每遲
繁榮掖垣追逐地獨慚虛薄冒恩私

雲海滄茫隔鳳臺兩年剛得一書廻敢將膠漆期君並

莫爲陰晴與世猜
往日詩篇常在把
幾時尊酒定重開
龍山又是茱萸節
珍重登高作賦才

登金陵觀音山

江閣憑虛似幻成
綠崖蒼壁有人行
波晴日抱龜鼉窟
天險山圍睥睨城
萬里濤龍爭赴海
八埏琛帛盡朝京
誰能數到層軒坐
臨水看雲失宦情

和顧東橋憲長遊天界寺之作

素衣不受市塵侵
虛谷超遙見此心
苔徑客吟猿鶴靜
石牀僧定薜蘿深
高賢有意依蓮社
開士何年津鷺林
更借玉琴酬雅興
欲憑薜蘿寄幽尋

寄壽高仰峰先生

勲業三朝重
年齡八袞高
多應書汗竹
壽及薦蟠桃
天遠真鴻跡
池新綵鳳毛
聖明頒異寵
賜誥賁林皋
鄉里論耆舊
惟公五福完
壽鄉餘日月
憲府重衣冠
老鶴昂仙骨
貞松耐歲寒
青雲誇令子
更折桂枝看
昔奉秋堂宴
今歌雲海篇
追趨懷杖屐
瞻望禮星躔
臺傍重門近
洲分碧水連
林田新報熟
歌醉入豐年

蔡氏濬永阡

露草眠牛集雲松
弔鶴來黃山
開碧嶂
蒿里闕層臺
哲士今亡矣
高風日遠哉
淵源尋舊德
梁木歎遺材
不見

邱原起惟餘風樹哀諸孫寒食裏日暮莫椒回

山... 卷七... 邱原起惟餘風樹哀諸孫寒食裏日暮莫椒回

鈴山堂集卷第八目錄

一詩

奉送太宰楊公赴召

送汪吏侍先生

至日信州懷寄汪石厚宗伯

弋陽遇贈舜卿翰檢兼寄用修殿撰

送凌司訓

兩泊鳳洲酬寄朝望太守

遊洪陽洞

曉濟鄱陽湖

泊弋陽江

夕會顧宮諭兄姑蘇驛下

姑蘇城中少傅王公怡老園子貞中舍邀集

怡老園後池集

虎邱臨眺和朱侍御

二首

題悟石軒

賦少宰汪公西溪草堂

盤谷歌為司寇高公賦

題胡使君可泉

蕭子卜居梅林賦贈

學士崦西兄論秀暹朝次京江有詩見寄次韻奉

酬

閣學吳公省墓例贈

贈張建寧太守

送葛刑部慮囚

經筵呈館閣寮長

經筵進講畢還至國庫會寮屬諸生聽講

送李若溪僉憲

送羅南康使君

贈郴州桂二守

贈簡少府

贈鄭南昌復宮昔與迎藩之難

大理湯公壽詞

送趙司空致政

送秦司徒致政

送鄭刑部之南京

送吳學士視篆南京

陳監丞父壽詞

費氏橫林孝友堂詩為學士鍾石賦

經筵宴罷有述

賞荷劉司空部署次韻

夏日李公薇園燕集次徐少宰

徐養齋方棠陵偕至喜而有作用浚川少司馬

鳳圖為宗伯序菴公題

九日登戒壇寺閣

和陳司馬元日早朝

寄壽少傅木齋謝公 二首

贈別汝湖學士

崦西徐少宰省中藤花開有詩予同作

寄贈宮保白坡吳公

贈劉梅國都憲

贈許學士歸省

贈費司訓之山陰

答用修見贈

用修殿撰惠寄蜀中雲根竹筆

用貞中含贈雲根竹茅筆各一

夢竹卷題贈胡世貞光祿

鈴山堂集卷第八

詩 留院菜

奉送太宰楊公赴召

象德家聲遠登賢國論公泰應占世運聖已識淵衷聽
履星辰切持衡水鑑同構堂資柱石補袞藉山蟲熙洽
隆殷祚高明達舜聰平章均四海峻絕冠羣工霖雨收
輿望丹青肖祖風四朝推練達一節想清忠播物鴻鈞
大掄材杞梓充山濤能薦士王且不言功猷告寧聞外
謨詢待折中正容亡儉側軫慮切瘵痾祖席逢秋淨王
畿屬歲豐競看威鳳集周雅咏梧桐

送汪吏侍先生
叨隨鍾阜瞻依近帳別江波
跂望勞長奉清言過玉署
重開仙步上銓曹時艱靜
睹紆籌定國議新陪出論高
願坐廟堂同水鏡總收賢俊人
甄陶

至日信州懷寄汪石潭宗伯

至日題詩信州驛泊船虛館近寒汀
江潭歲晚蛟龍蟄
巖壑霜餘檜栢青鳴玉尚思金殿直
移文深憶草堂靈
謝公正在東山畔日對雲峯看翠屏

天畔登臺望北辰三廻已隔御筵春
冰霜暗惜年華老
共倚頰看世事新安得梅花逢驛使
欲憑瑤草寄佳人
白鷗片片風湍急振托衝星下遠津

弋陽遇贈舜卿翰檢兼寄用修殿撰

京國何時出舟航此地逢批鱗叩龍闕
場翼下鰲峰天地生全德江湖汗漫蹤
相留話今夕明發楚雲重
兩賢俱侍從萬里各風埃鳥道青冥外
誰憐逐客來醉歌頻擊劍愁望且登臺
珠樹同棲鶴蓬山避雨回

送凌司訓

沅湘從此去孤棹雨冥冥烟嶼宜
春望林猿足夜聽青雲誰假翼
白首嘆窮經明日河陽酒思君草色青
雨泊鳳洲酬寄朝望太守

厭聽高城雨還維古驛舟瓊枝那近眼烟浪遞生愁
鴉濕波翻木鷗喧雨滿洲離心何處是暝色載孤舟
鳳洲幾回至一至情眷眷佳期未忘薄別寧當怨
山閣憶春臨渚花宜晚望不共灑西遊空懷郢中唱

遊洪陽洞

鶴馭鸞驂去不回林扃岫幌客頻來洞門日照烟蘿發
巖竇泉飛雪屋開始驚奇僻非人境更愛攀臨坐石苔
迴輿出谷千峯暝猿嘯禽啼萬壑哀

曉濟鄱陽湖

鳴榔發荻浦擊楫過蘋洲晶晶霞日爛盈盈天漢流遠

征夫息高鳥去何味汗漫江湖志吾今幾度遊

泊弋陽江

客思增悽斷風湍渺宿留雲來津樹黑雨集浦帆收作
宦逢楊閨辭家感麥秋龜峰嵐霧裏心賞若爲酬

夕會顧宮諭兄姑蕪驛下

共憐揮手別鰲峰烟水吳洲此夕逢世事祗應論塞馬
春雷正合起潭龍坐闌紅燭談猶健折贈瓊枝意自重
借問昔時鴛鴦侶幾人同聽鳳樓鐘

姑蕪王少傅怡老園子貞中含邀集

宛似入雞山寥寥雲壑間攀松上巖翠憇石坐苔斑霄

漢清班接林園樂事關昔遊陪劔履輝赫想台顏

怡老園後池集

竹逕蘿烟翠且重行尋幽洞失前峰因攀巖下叢生桂
故識雲中舊種松樓臺碧水虛相映車馬高門日自容
猶道綠樽歡未盡別來深院起歌鐘

虎邱臨眺和朱侍御

泊舟禪逕石門通徙倚湖天望不窮正掃書壇拜和靖
猶開梵塔禮生公汀洲晚浸蒹葭水臺殿晴呼松栢風
惟羨觀風聽馬使清遊麗句滿吳中

嶺嶺晴烟鎖鷺峰玉泉陰洞隱龍宮高攀雙樹青真上
俯瞰二吳宿霧中沙浦斷雲低度鳥石林修竹鬱吟風

禪房水石佳遊在塵世滄桑浩劫空

題悟石軒舊傳生公說法石為點頭軒以是名

盤石寺門前相傳曉法年誰訛僧善幻賞勝客猶憐松
桂流寒月藤蘿起夕烟未須談寂理聊此息塵緣

賦少宰汪公西溪草堂

山輝知玉韞淵淨識龍居古邑名賢里膺門幸到予開
堂瞻劔履登閣覽清虛積翠羅千嶂分流貫二渠夕雲
生畫障春水動鷗魚庭愛森瓊樹門看擁駟車玉牀留
貯笏丹壁會藏書直道中朝仰高名北斗如鳳凰雷龍

詔蘿月卧林廬理愜心彌逸神閒體自舒萍遊奉佳論
臨別意躊躇

盤谷歌爲司寇高公賦

乘清山水天下奇中間名嶼更逶迤坤靈勃鬱萃元氣
何人卜築開新基高公百年草堂在林色川容未曾改
地隔桃源長子孫村標盤谷名在澗盤谷幽棲自隱君
後人濟濟藉芳薰一溪桑梓橫青野九畹蘭蓀結綵雲
堂下陰森滿松栢風雨泠泠護幽宅歲時蘋藻薦明馨
階前半是朱衣客司寇承恩著錦袍江山掩映羅旌旄
漢家集出元非一上下彩鳳看翔翱禮成叙飲復酬倡

按蓋飛航各相向里開風猷出故家朝廷禮樂歸羣聖
吁嗟乎湛恩餘慶奕世存路人盡識于公門請君試聽
歌盤谷昔日三槐安足論

題胡使君可泉

秦安卦山北相傳有異泉胡公讀書處釣月弄潺湲漱
玉雲根淨牽蘿雪瀑懸夜絃翻雅調春甕馮芳涓江海
潭餘澤山林結靜緣鑑澄心比瑩膏潤曷同蠲地以高
賢勝圖將美蹟傳次山文筆健巖石幾銘鐫

蕭子卜居梅林賦贈

溪上梅花王作林溪邊茅屋苦寒侵孤山倚棹逢詩興

碩上移家見客心日晚漁歌來浦溆
空晴花色上衣襟
風塵擁傳勞爲郡時向滄洲寄一吟

學士崦西兄論秀遠朝次京江有詩見寄次韻奉

酬

悵望使星天漢上欣傳書札海雲邊
卽從玉署看顏色却以飛蓬感歲年
南國文章留藻鑑北扉冠佩近鑪烟
追攀莫及空相憶吟對寒流月滿川

閣學吳公省墓例贈

出郭烟霜破曉晴賜舟津吏報嚴程
青春故及還鄉樂黃閣應看屬
聖榮家有條綸三世貴學能忠孝百
年情天平泉上知何首手種松楸次第成

贈張建寧太守

武夷烟月鎖滄溟
露冕春行碧嶂間
粉署却辭仙直憲
滄洲故與吏情閒
朝廷正賴循良寄
閭巷風從揖讓還
精舍考亭松桂在
爲收遺籍副名山

送葛刑部慮囚

久持憲簡推高步
遠下星輶捧德音
漢使光華聯命出
虞廷欽恤霈恩深
春從化筆回膏澤
日到園扉仰照臨
共道千門多世德
駟車重駐越江潯

經筵呈館閣寮長是日予與費宮贊講尚書說命

孟子國君進賢二篇

芻蕘何語可聞 天敬展璠篇洞案前從諫願逢 明
后聖審官期用國人賢壺添玉漏移晴旭香近金爐引
瑞烟幸奉太陽依末照愧從滄海託微涓

經筵進講畢還至國庫會寮屬諸生聽講

翠華仙殿說經回冠帶趨門講又開豈有涓埃裨 聖
學獨慚模範育英才雲龍嘉會逢明代奎壁祥光應上
台聽誦唐虞風噩爾載歌琴瑟思悠哉

送李若溪僉憲

別君南國若爲情聚首無端復送行同里衣冠知己少
外臺風紀拜官榮枕椰夜宿蠻中驛金鼓晴登嶺外城
儒術古來經世用直看尊俎坐談兵

送羅南康使君

猶煩領郡赴江干 南州路未難遣愛舊栽棠樹徧
別懷今放酒盃寬山深洞可尋名蹟家近書能慰母歡
見說府中公事簡五峰蒼翠倚樓看

贈柳州桂二守

南登桂嶺道却上楚鄉舟賦就江籬晚書回旅鴈秋山
形攢劍戟方語雜旒裘好種江邊椰還將惠化留

贈簡少府二首

御史一溪
之仲父

客舍依蓮宇清風滿竹林愧予懷短刺長喜得幽尋旌
節梁園迥雲山楚甸深別離明月共千里寄同心
爾向滇中去官程柰遠何雲峰當馬峻霧樹聽猿多郡
僻逢迎簡天南氣候和相期敷惠政早入遠人歌

贈鄭南昌復官昔與逆藩之難

黃綬欣看復在身却論前事益沾巾江關亂後餘殘壘
棠樹春來泣故民人情閱世從翻覆直道憐君有屈伸
已喜拜恩同雨露可堪回首憶風塵

大理湯公壽詞

廷尉當朝彥榮名曠節全棘堂卿月迴天署法星懸魏
闕班班入巴山使久旋邊郵經畧後旒冕對敷前議政
過松掖聽經侍翠旃禮看優寵渥貌不怠恭虔利鏐餘
盤錯貞松閱歲年書雲逢令節彌誕秩初筵却老傳直
訣陰功格上玄于公會活獄貢禹解惟賢宅蔭宮槐近
窻迎海日先願言躋壽域長此奉堯天

送趙司空致政

巍然冠劔漢司空出人三朝操履同事忤貴人知節概
心憂王室見清忠俞章賜允皇仁大薦剡留賢物論
公遙羨高蹤去塵網雲霄萬里一冥鴻

送秦司徒致政

履聲長聽殿東墀
祖席春明是別時
去國一賢輿論惜
登庸八座大名垂
雲霄路隔冥鴻遠
江渚情牽碧草思
莫謂東山成穩卧
蒼生應有謝公期

送鄭刑部之南京

人事無端類轉蓬
更勞分署過江東
三年卧病烟霞隔
尊酒逢君笑語同
地勝湖波浮几席
秋深庭菊傲霜風
蕪城亦是桑乾路
望近橋陵紫翠中

送吳學士視篆南京予舊領此職

二年相逐喜同聲
幾度塵沙並轡行
新握院章當妙選
重吟江樹動離情
蓬瀛地接金鑾近
城闕天開碧嶂清
借問舊堂修竹在
壁間虛薄愧題名

陳監丞父壽詞

壽酒新開秋露盤
草堂高隱碧雲端
花邊玉杖閒堪拄
篋裏丹經老自看
濟郡伏生還授學
鹿門龐叟只遺安
膠庠有祿能分養
恬淡無心羨達官

費氏橫林孝友堂詩爲學士鍾石賦

地擅溪山美鄉稱
德義門衣冠先澤遠
詩禮古風存瓜蔓
綿相引槐陰綠正繁
傍巖開甲第繞砌樹
芳蓀疊嶂芙蓉峙
飛流玉練奔赭亭
春秀茗績石夜聞猿
蘿幌攤書靜萍池洗
墨渾釣遊仍舊里騰
翥並入關黃閣崇師

錄中朝偉弟昆朝回珂滿路燕集醴盈尊遺範元無改
殊恩詎可論祇應傳五桂名比竇家村

經筵宴罷有述

衮席龍盤辰仙班鷲列行賜筵沾玉醴歸袖帶爐香身
到鈞天近恩垂湛露灑聖朝儒學貴虛薄愧明揚

賞荷劉司空部署次韻

東省益荷初夏開綺筵晴旭淨風埃氣和嘉瑞先時見
地迥靈根近日栽鏡水綠雲頻對酒露盤仙掌獨登臺
尚書星履朝天罷每爲紅芳竹筍遲來

夏日李公薇園燕集次徐少室

堂軒地迥開初築松檜年多長舊園涉逕忽響炎暑去
尋詩故與登情遠池邊折芰思連坐竹外移燈醉酌歸
遙想紫薇花上月清宵獨對詞玄聯

徐養齋方棠陵借至喜而有作用王浚川韻

江上新傳李郭舟鶴汀鳧渚羨清遊誰知今雨來千里
似憶佳期渺十洲梧竹越山樓綠鳳風雲天路引驂騑
相留擬下南州榻醉裏狂歌海月秋

鳳圖爲宗伯序菴公題

鳳飛千仞宿崑邱饑食竹實渴飲滄海流人間此物不
易見云胡得之置在中堂幽巖然注視使我疑文彩照

座光陸離初驚素壁開丹穴忽辨朝霞捧赤曦騰輝綉
景瀾東海積石方壺渺焉在竊女簫聲隔彩雲綉仙笙
韻流蒼靄憶昔重華稱盛治覽德呈祥曾一至周京載
見岐山鳴邇來千載不復聞其聲祇令粉墨丹青空爾
形方今 聖人在位寰宇清溢廓氛醜登休明鏘鏘詔
護諧靈奏藹藹馮翼克王廷吁嗟乎人中之鳳乃所珍
我愛南宮上卿美且仁格天事業輝寅直華國文章重
縉紳昌辰更賦卷阿什化日高翔阿閣春

九日登戒壇寺閣

梵閣千峰裏征驂九日來松蘿禪道人龍象法筵開
菊寧簪帽青蓮獨上臺如堪投真戒吾此 惠氛埃

塵跡何因到名山不易途谷深微辨徑寺近始聞鐘古
樹寒飈急幽軒夕翠濃菊觴違雅集相憶在高峰

是日亭上
汝湖邀集
予不及赴

和陳司馬元日早朝

袞袍當殿識威嚴黃表開函近御筵舜曆堯冀欣載紀
日華天表慶同瞻赤葵心向青陽吐豐草恩隨湛露霑
聞道塞垣新撤警聖謨賢畧已先占

寄壽少傅木齋謝公

孝廟看遺老明公獨歸然向非平格壽那覩中興年劔

履重趨闕純誠自格天要知敦薄俗湖上有歸船
再入中書日諸生得重親岱宗瞻氣象龍馬羨精神正
喜謀衢室旋聞偃涓濱高樓限巖壁壽竿若爲陳

贈別汝湖學士

少年擢第勝瓊枝同在清朝白玉墀漸老不堪仍送別
後期何地更傳危橫經帝幙皆稱貴載筆綸闈已訝遲
剡水越山深駐馬因看春草一相思

崦西徐少宰省中藤花開有詩邀予同作徐昔侍
外舅守溪公授經于此今繼踐其職云

羣省矚沉沉朝回坐密林竹風增爽氣花露淨朝陰
靜馴孤鶴牀空對素琴皆言公輔貴仍有薜蘿心

地是留棠舊人應比玉清獨攀東省樹猶憶下帷情蘿
映攤書靜花增染翰明天庭多雨露歲晚共芬榮

寄贈宮保白樓吳公

却憶吳門濠上居草堂高閣瞰清虛青宮舊識尚書履
石室應藏太史書開檻海鷗依釣席移尊山鳥候籃輿
鴻冥鳳翥誰堪似郝桂莊椿慶有餘

贈劉梅國都憲

保釐東土新恩下制置江淮後命催當署棠陰隨處滿
自天龍勅兩廻開樓船聽雨看吳岫藻翰吟秋上沛臺

報國總需劉晏策逢時不羨賈生才

贈許學士歸省

銀魚學士今公輔青霞丈人真地仙紫誥黃麻覃雨露
瓊林瑤草傲風烟萊衣拜慶承恩誥鄜菊攀英薦壽筵
暫向故園榮畫錦卽歸蓬閣賜金蓮

贈費司訓之山陰

遊吳還遶越心賞寄風烟世業稱帝相諸生仰鄭虔客
帆秋草外官舍海雲邊送爾增遐想重歌棣萼篇

答用修見贈

雞鶩爭稻梁風風食垠垠感惻念物理沉冥結憂端
仰宇宙間知己良獨難我友在遠客欲從從遊盡眼
阻奔沟劍嶺間噴吭緬懷九苞質詎接雙飛翰睽離驚
歲改棲息喟形單剗苓春雨暮采菊秋露溥明后應天
曆衆賢集衣冠奄忽千里至執手平生歡濯纓升博望
躡轡遊長安愧比蕭艾姿芳馨託幽蘭幸容竿跡盪莫
造膠盟寒晤言期誰與懷抱爲君彈

再次

昔行湘江曲萬竹青琅玕低枝蔭水石高葉拂雲端幸
適心賞趣寧辭行路難灘波渺萬里桂嶺鬱千盤風溪
渡颯爽雲嶠陟噴吭會意輒糜駕放歌或濡翰形勝豈

不美但愧言詞單竭來故山任兩見白露溥踈言懷魏
闕復此彈塵冠休文自多病劉琨故少歡京國多貴遊
閉門卧袁安贈君湘川竹贈我握中蘭蘭流香氣馥竹
凜清風寒貞素各自保精爽詎能殫

夫君起西蜀謁帝陳琅玕妙齡賜上第聲名動朝端遂
令海內士嘖嘖稱才難譬彼珊瑚枝置之赤瑛盤清輝
映皎潔修幹凌噴噴賤子忝官署銜銜接英翰珠玉富
璀璨覺我形寒單開絨清風移入手垂露溥耿耿蒼水
佩峩峩切雲冠池看鳳毛貴庭憶彩衣歡蒼生望安石
才人羨子安都林應擢桂謝砌碧空蘭巨川須拯溺

屢思此寒致身立津要早願勲猷

用修歟撰惠予蜀中雲根竹筆

西蜀雲根修竹清管城新製比南金携來尚帶岷嶺色
賞劇全傾翰墨林欲賦遠情牽渭樹香裁天詔灑商霖
虛心直節元相倚珍重佳人贈愛深

用貞中舍贈雲根竹茅筆各一

青茆束束銀兔毫雲根修篁鸞鳳毛娟娟柔翰利所操
攜持蜀山越江濤投贈直比金錯刀翰林文價賴爾曹
念我蹇思增鬱陶

夢竹卷題贈胡世貞光祿

君家竹林何處所萬玉蕭森作風雨夜聞鄉夢迷園扉
曉望征帆渡江水江水悠悠堪濯纓羨君風致有餘清
玉堂延閣辭分直鳧渚鷗汀思結明意安公後重家聲
千堯甲第普陵城雲泉自古江南好軒蓋寧論世上榮
世間萬事何反覆平地波瀾變蠅君今歸去耳不聞
把筆題詩倚青竹

鈴山堂集卷第八

鈴山堂集卷第九目錄

詩

發京六部都察院通政司大理寺諸公會餞于報

國寺

登思盧閣

寅長方李二公董徐二少宰至勝泉寺餞別

勝泉寺宿

又濟黃河

鄴州察院

中秋新鄭提學高子大賓集飲

峴山謁羊侯祠

九日獨詠

初謁宮保九峰孫公

題宮保孫公宜晚亭

安陸陽春臺在潛邸之西 皇考嘗登陟有賦

都院行署實枕其麓往年南場賈公以禮侍奉

冊命寓止茲著有詩後六年門人嵩亦忝此官

來奉 冊命親壁間次韻

吉祥寺

晚次普門寺是日發鄂諸公餞於池河

晚次襄陽

吏歸途中作

裕州阻雪

保安驛遇張內翰南使

行次汝墳

渡水志險

立春日至京先寄崦西少靈

九日天壇登集酬夏桂洲都諫

陵祀奉簡聞司寇唐中丞

奉陵果園夕憇感述

金陵夜歸

昌平學宮劉諫議祠簡吳學士王徐二太史

清河村舍與聞唐二公小酌

送林石崖都憲

贈陳都帥

贈王太常之閩藩

夏學士榮賜犀帶并手勅褒諭賀以是詩

奉和序翁先生從遊西苑視穀

奉詔陪祀穀祗壇西苑遊囑汎舟太液和亭溪

學士

贈管銀臺

賦練塘卷李御史父

初入銓曹

赴任南禮部九卿會談于萬福菴次韻留別

過東昌許學士尊翁九十

安山待聞

曉行南湖寄友

重經石佛閣望岸傍閣而賦之

將至徐州風阻野泊聞陳水部挈舟來會作此寄

之

徐州陳水部萃墨亭留題

夜至淮陰中丞劉公臨訪遂燕臺院

燕張總戎宅

揚州別鄧太僕以正因寄玄菴穆學士

泛鴛湖

謁孝陵

南宮初上

送何司空

贈潘使侍同年

顧戶侍考績補贈

序翁相公惠寄對月見懷之作依韻拜酬

留都諸司拜進元旦賀表僕忝官禮曹當職題署

攝事訖敬識一詩

金陵城西泛舟太宰劉公邀集

觀音山鷺磯臨眺

觀音山次紫巖太宰

牛首詩

曉登朝天宮西閣集宴還坐東麓亭有作

和浚川大司馬

和紫巖太宰

和久菴少宗伯
和筠谿少司馬

鈴山堂集卷第九

詩 使鄂棗 留省棗

發京六部都察院通政司大理寺諸公會餞于報

國寺

雙龍御節下重霄九棘芳筵集上僚冠蓋寵行賓禮重
山川銜命去程遙天香清楚留僧室霧樹啼鶯別市橋
幸遇 聖明崇孝理願從南國采風謠

登毘盧閣

遠目窮秋望高牕試醉攀鱗鱗列城肆莽莽抱京山沙
磧來鴻細松陰處鶴閒鄢襄從此去旌旆幾時還

寅長方李二公董徐二少宰至勝泉寺餞別
古寺高園勝名卿
龍餞過還同習池
醉更唱渭城歌
澗影依松桂
潭香折芰荷
暮歸軒蓋遠
奈此別愁何

勝泉寺宿

相送各已返
獨宿在招提
鐘漏臨城迥
星河隔樹低
方欣市喧寂
轉覺客懷悽
因歎勞勞者
深慙蘿薜棲

夕濟黃河

隰澤縣

荻叢沙路莽難分
拍岸驚濤駭客聞
千帆浪裏惟看影
一鴈天邊自出羣
漫灘積水渾無地
極浦青山半入雲
借問滎城在何處
不堪荒戍閉斜曛

鄭州察院

使節晨驅初渡河
宋京梁苑日經過
停車最愛茲軒榭
維楫猶驚昨暮沙
暑路塵沙淹暘思
晚雲臺榭起悲歌
晉公祠墓千年在
悵望秋烟隱薜蘿

州南有裴晉公墓

中秋新鄭提學高子大賓集飲

此夕中秋月來從鄭邑
看來輪出海淨桂子落雲寒
暫對儒臺酒聊尋旅夜歡
如何千里別兒女憶長安
倚檻浮雲暝開樽片月隨
陰晴那可定會合正難期
桂苑曾題柱梁園好賦詩
相留惜佳景明發路逶遲
途倦風塵色堂清燈燭光
倏逢秋月滿轉覺旅行長
螢

度雲高嶺登馬出壞墻坐聞鏡吹發留賞盡餘賜

峴山謁羊侯祠

晉代傳遺愛羊祠獨至今峴山南郭上千古一登臨未
下看碑淚猶懷仰止心湯湯德澤在日暮漢江深

九日獨詠

齋館坐岑寂雨聲荆楚秋風高木葉下天遠漢江流佳
節思萸菊新寒理褐裘從來慣為客展卷自銷憂

地近宜城酒秋高宋玉臺臨觴那敢醉作賦轉興哀浙
浙浦楓落冥冥湖鴈來陽春堪極目雲霧曉須開陽春堂

昔窺東閣恨無因得使南邦喜見親清漢波深龍久卧

碧雲天杳鳳難馴功成名遂昇平世溪泛山遊屢鏤身
却到錦堂叢桂裏帝臺風月自為鄰公第在陽春臺之麓

題宮保孫公宜晚亭取杜句而名

翠屏無限好歷歷近青冥落景閒宜對高歌醉自聽浦
帆依鳥靜巖桂向人青黃綺疑公是終朝輔漢廷

安陸陽春臺在 潛邸之西 阜考嘗登陟有賦
今都院行署實枕其麓往年南塢賈公以禮侍

奉册命寓止茲署有詩後六年門人嵩亦忝此
官來奉册命親壁間題敬和一章

皇居帝邸接仙臺使節春曹步武來
睿藻昔曾留翠
嘯塵踪不敢浣蒼苔龍文御氣氤氳合
史冊天書煥爛
開畫省玉堂傳盛事和家衣鉢歎非才

吉祥寺

嶂巘何盤鬱林澤亦芊綿鷲峰銜殿閣珠樹倚風煙此
地逢昌運
先皇有賜田永戴堯天日流輝照法筵

晚次普門寺作是日發郢諸公餞於池河

郢樹山應隔池河酒尚醺獨尋谿寺宿疑遠世人群古
桂寒禽聚虛堂夕磬聞神宮更瞻眺御氣繞重雲

崩擁巖旌合鐘鳴松寺深烟霞盤石磴臺殿聳珠林

息征途駕偏憐閱世心郢一邦今帝里節度幾經臨

晚次襄陽

朔雪荒臺獨鴈飛楚鄉凝眺轉依依天連浦溆惟寒水
山隱城皋已夕暉旅客競尋澗口住釣船閒傍鹿門歸
龐公舊隱巖扉在悵望無因得息機

使歸途中作

來日日炎歸雪飛星軺江漢遠駢駢空山驛傍春梅靜
荒徼人逢漢使稀南國音書憑旅鴈上林花色待朝衣
眼中菑瑾堪垂涕細寫封章達禁扉

裕州阻雪

陰凝北陸皓雪遍中衢整駕遲明發覽望復踟躕野
曠厲颺急裊荒饑鴈呼昔至衝炎日今還逢歲徂蓬轉
無停跡輶經多畏途臨餐乃三歎溝中盈俄夫

保安驛遇張內翰南使

驛榻風燈倚暮寒庭松積雪皓宜看使華遠下金鑾直
家慶先承綠服懽江鴈引帆過鄂渚苑花迎珮憶長安
扈從正待揚雄賦感激須彈貢禹冠

行次汝墳

汝墳百家帙依依墟土開野曠豁予目青見車前山嵩
巖露微雪伊流瀉潺湲倏感炎燠改俄興旌旆遠遇
初會意省舊仍慘顏慙乏拯八策默然但憂歎

渡水志險

榮澤縣

洪河水上度回望使人驚寒日無朗照哀鴻有斷鳴垂
堂孝子戒叱馭古人情天末風雲色蕭蕭迭遠征
遠役逢年暮危途感命輕長河蟠地險積雪與天平逆
旅悲今古浮雲是利名昔聞高蹈者被褐偃柴荆

立春日至京先寄崦西少宰

星輶計日覲神京彩勝迎春在客程沙上柳松烟霽色
水邊樓閣鴈歸聲陽回海宇人皆樂雲近蓬萊眼倍明
畫省故人勞覓念清詩早爲卜旋旌

公贈詩有蘭棹應
逐早春回之句

九日天壇登集酬夏桂洲都諫二首

仙都樓閣堪凝望，諫署壺觴得盡歡。九日舊從塵裏過，
八筵今向眼中寬。風來碣石驅濤壯，日上扶桑影樹團。
君擅高才能作賦，吾憐短髮未欵冠。明良一代賡歌盛，
禮樂千年復古難。卽擬秦壇陳藁，枯早聞閭闔獻琅玕。
八座軒裳吟對酒，佳辰此會若爲歡。鳳飛正借高梧近，
鵬運真同碧海寬。青楓極浦遙連影，細菊重巖巧綴團。
桓孟高風追落帽，夔龍勝集慶彈冠。層城烟霧將歸遠，
郢曲陽春欲和難。莫把茱萸問誰健，共看顏色比瓊華。

陵祀奉簡四司慈蔭中丞

秋日野晴朝露清，六陵如黛淨無塵。村原殘苑寒
臺殿千重鎖翠微，頻來古寺能留榻。从客緇塵欲化衣，
西省內臺俱重望。叨陪鴈序有光輝。

秦陵果園夕憩感述

秦園衆峰裏，冬晴雪樹稀。宮監棲巖翠，山禽下夕暉。攀
髯悲隔世，種木見成圍。悵憶臨軒日，瞻天淚暗揮。

陵祀夜歸

繁星攢列炬流塵，起飛鞚遶樹遠鐘微。霑衣零露重回
望碧山，椒山深夜寂寥雲輿歸。縹緲玉殿鎖岩堯，重泉
光景匿蔓草。蛩聲唧唧有朝陵使，年年來此夕。

昌平學宮傍有劉諫議祠翰林諸寮陵祀則寓止

祠下予昔備員史官嘗兩至焉追憶舊遊簡吳

學士王徐二太史

瀛館虛塵榻香燈伴古祠衣冠秋祀到風節里賢思堂

近棲鸞樹泉分采藻池俊僚來袞袞仍續舊題詩

謝公墩尚在賈傳井依然問訊祠前柏懷予繫馬年並

遊看玉樹分直想金蓮已是仙凡隔衰庸愧後賢

清河村舍與聞唐二公小酌

十里清河去未遙暖烟秋色過楓橋柳條驚風故零亂

郊屋枕溪還寂寥誰家砧杵敲寒練客子風塵換歲朝

更與且傾黃菊酒還家久憶紫宸朝

送林石崖都憲

中丞出鎮在扶風共說登臺兩世同天語宣廷催擁傳

霜威蒲路避乘驄簪纓獨繼家聲貴斧鉞榮兼節制崇

宵旰憂勤問民瘼幾回書奏大明宮

贈陳都帥

平生仗奇節感激與誰論報主丹心切叅戎偉績存營

鋒百陣合漕粟萬舟屯受詔辭皇邑驅車還里門龍泉

別壯士春草憶王孫聞有飛章薦重來謁至尊

贈王太常之閩藩

未論海嶠與宸居同是君恩感激餘地僻雲霞三島近
官清琴鶴一舟虛省薇畫永消爐篆山荔風香引傳車
知爾茲行暫分手卽看宣拜紫泥書

夏學士榮賜犀帶并手勅褒諭賀以是詩

賜犀新寵冠朝行飛白宸奎照玉堂霄漢溼恩承湛露
瓊闈清論滿朝陽君臣合契同魚水廊廟掄材有棟梁
留與詞林傳盛事要知明主重惟良

奉和序翁先生從遊西苑視穀

行宮別殿接嚴宸詔賜同遊禁苑春龍渚泛舟呼力士
御厨分膳輟饗人陽和茂對皇情豫雲漢昭回聖藻新
政以艱難知稼穡共言魚水喻君臣

奉詔陪祀穀祗壇西苑遊瀾汎舟太液和亭漢

學士

祗壇奠璧曉光初法駕臨疇宿雨餘幕近爐烟浮羽仗
林晴花色上簪裾身逢廣樂鈞天盛世際淳風太古如
農畝起家陪帝籍江鄉春事憶郊居

仙居春汎渺銀河桃杏紅芳水綠波日出芙蓉開帳殿
風迴笙吹繞雲蘿汀洲鳧藻榮光滿樓閣烟花淑景多
不是傳宣承帝澤豈緣天路得經過

贈管銀臺

奉使持天節寧親捧壽盃傳車寒色送歌吹夕陽催驛
傍河津轉關迎隴月開留歡猶未盡計日漢廷回

賦練塘卷李御史父

悠然練塘上拂榻坐清風綠樹重於蓋澄流映若空魚
來深石下鳥度夕陽中獨有乘驄客看雲憶甬東

初入銓曹

肅穆堂堦迥陰森栢檜齊吏人依鷄立鳥雀傍林棲水
鏡懸清鑒絲綸照紫泥天曹元峻絕何意得攀躋中堂有宣

廟勅諭

鑪篆銷寒畫漏滴初寒出日多慙華省貴孤擬列仙居心

結壺冰裏恩垂雨露餘如何報 明主薦士滿公車

赴任南禮部九卿會餞千萬福巷次韻留別

五雲回首望宸宮感激 皇恩覆載同身比馬牛難報

主心隨江漢亦朝宗鑄豐故擬周京重禮樂親知舜典

崇自是臣勞均出入豈將鴻跡嘆西東

星輶駐節倚禪宮祖席登筵八座同禁苑鴛鸞勞迭遠

留都禮樂愧稱宗正逢春郭煙花麗更屈天卿禮數崇

已隔長安辭日下獨看雲樹賦江東是日太宰晉卿翁具餞特盛

過東昌壽學士許龍石先生尊翁九十

地是登瀛里春當獻壽辰鳳書擎誥重鵬錦製袍新祿

待千鍾養天扶百歲身古松仍偃蹇老鶴倍精神榴色
浸瓊華椿陰上繡茵欲知恩慶遠東海正無垠

安山待闌

客思去匆匆川程渺未窮水生波蕩漾日出景冥濛花
發當春樹舟牽逆浪風頗覺征途倦情非少壯同

曉行南湖寄友

遠樹猶含霧澄流欲颺空帆檣飛鳥外簫鼓曙烟中映
帶江林出縈迴島嶼通無因寄相憶春草正蒙茸

重經石佛閣望岸傍閣而賦之

禿閣臨江記昔攀白雪蒼檜鎖禪關波瀾極浦存高爽

暮靄疎林出斷山盡日帆檣經樹杪早時鐘鼓落人關
塵勞未息堪惆悵又送官航此路還

將至徐州風阻野泊聞陳水部拏舟來會作此寄
之

津程望近轉離憂高浪烟汀阻宿留剡渚正憐人獨往
春山真憶鳥相求雲飛浦里風仍起江遠黃樓水自流
聞說冬曹新政好極知才是濟川舟

徐州陳水部萃墨亭留題

高浪軒中沸層樓畫裏開浦雲千嶂合漕粟萬艘來墨
萃刊亭石風歌上沛臺樹連平野盡江逐古營回碣澤

烟霞改禪山松栢哀莫倚登樓賦還資理國才

夜至淮陰中丞劉公臨訪遂讌臺院

見洛風燈亂傳呼繡斧來那知維月舫更得近霜臺披
路聞高論將明仰上才華觴春滌永懷抱故須開

讌張息戍宅

榮戟元戎第文觴得暫過鳥吟春樹遍花映夕堂多家
世張車騎勲名馬伏波淮洲見明月其柰別離何

漢車騎將軍安世

揚州別鄧太僕以正因寄文菴穆學士

養拙慚吾道茲行偶共君長途欣並勛此路惜離群

隱烟中郭帆飛海上雲因聲寄玄老公暇好論文

泛鴛湖

樓榭開烟霧汀洲似畫圖城陰度窅窅天影入虛無岸
迥傳清吹波深洗玉壺茲辰春日好留興在鴛湖

謂 孝陵

翠巘皇陵闕青松石道長百靈羅象衛五位備冠裳龍
劍風塵靖羅圖日月光山空颺吹急蕭颯動宮牆
社稷戎衣起梯航玉帛朝睹河功戴禹瞻廟祀崇堯石
馬嘶空翠金燈照寂寥遙看鍾阜上御氣滿層霄

南宮初上

金華集卷之六
謬忝文昌入虛軒禮樂司居當分陝地榮及履星時位
重才非稱恩深報未知願奉惟寅訓還陳匪懈詩
爽氣澄秋朔朝光動省闈竹風來錦席花霧上朱衣北
斗躋衡峻南曹領務稀 聖明謨典在萬世敢愆違

送何司空

冬曹公報政鍾阜我移官傍樹開新築臨觴叙舊歡宦
途勞涉歷世澤盛衣冠豈乏春華好青松耐歲寒

贈潘吏侍入覲

少宰今時望風儀八座看留曹稱水鏡北闕待鴛鴦
鴈秋塵淨登車曉月寒同年滿朝署相見慶彈冠

顧戶侍考績補贈

民部知名久清朝最老成松當雲壑古永貯玉壺清
計分留署秋帆上帝京贈言慙我後叨此繼同聲

序翁相公惠寄對月見懷之作依韻拜酬

遠傳仙翰到南宮安得清光此夕同氣味敢云蘭並臭
瞻依真以岱爲宗永銜龍帶銓衡重袞席榮躋殿閣崇
共賀太平今有象德星環聚五雲東

公新改吏部

留都諸司拜進 元旦賀表僕忝官禮曹當職題

署攝事訖敬識一詩

表函遙賀謹題封黃袂親緘獻九重下土葵心惟向日

丹霄雲氣總成龍青陽啓律歡稱壽紫禁趨班憶聽鐘
八座二京分職事涓埃無補愧登庸

金陵城西泛舟太宰劉公邀集

疊嶂澄江遠帝州金尊錦席在蘭舟正逢吏散軒裳集
况是郊晴霧雨收隔岸帆檣迷浦溆傍城樓閣帶林邱
名都勝概還今賞赤壁高陽空昔遊

觀音山鷺磯臨眺

高雲石壁相因依側倚蓮宮臨鷺磯畫棟巖巒開險絕
滄洲烟樹隱霏微鯨鰲吹浪三山動帆船乘風萬里歸
日晚川長堪悵望天青無盡鴈孤飛

觀音山次紫巖六宰

危欄高棟俯江深蘿逕松門勝可尋祗苑白雲生靜思
石谿紅葉動秋吟遙岑不改鴻濛色清嘯如傳鶴鳳音
軒蓋擁林鐘磬發山僧應記宰官臨

天末長雲逐鴈來江間波浪起孤臺初晴風日遶登閣
勝地山河對舉杯着帽山公期取醉揮毫李白故稱才
極知人世閒情少多謝霜前白菊開

觀梅花泉同紫巖太宰

聞道幽香臨絕澗偶尋遺跡一相過風前雪樹花難覓
巖上鐫題字半磨苔選客行青嶂遠石堂僧占白雲多

塵跡此地應稀到洞口年年長薜蘿

牛首寺

絕嶺雙峰天闕開禪房幽洞鎖莓苔巖巒路轉孤雲迤

松柏風生萬壑哀當日翠華臨別殿武廟南巡駐蹕茲山千年威

鳳起層臺細觀惟有階前樹歷盡人間累劫灰有貞觀年銀木

樹大效圍

曉登朝天宮西閣集宴還坐東麓亭有作

江郭晴烟翠且重山城紫閣坐高峰杯前木落蕭蕭影

天外鴻歸渺渺蹤御氣尚浮宮苑樹寒聲送送石門鐘

偶尋玄圃逢瑤草擬接丹霞訪赤松

和浚川大司馬

霧閣雲窗拂樹開白沙青嶂洗城回龍鱗浴日江光

龍蜃嘯空海氣來萬事糾紛堪息駕百年佳勝偶登臺

運籌作賦公能事莫厭頻來把酒杯

和紫巖太宰

仙家樓閣隱嵯峨麗景祥烟入檻多劍失正憐龍久化

臺空猶憶鳳曾過治城遺事遙難問卜廟精忠耿未磨

風物豈殊桃洞宴陽春重和郢中歌此地乃治城舊址有古忠貞祠

和久菴少宗伯

島嶼高雲覆閣陰冥冥宿霧映江深叢篁暝帶林樾碧

獨雁寒隨浦樹沉
天上樓臺堪悵望
水邊亭檻足幽尋
共來佳麗金陵地
重對樽前謝朓吟

和筠溪少司馬

冬日邀賓東麓閣
凍雲簷日共淒涼
天連一水蒹葭渚
霜落千林櫺櫺黃
暫對碧山心自逸
獨攀瓊樹意何長
風烟遠日增幽思
身病逢懽亦盡觴

鈔山堂集卷第九

山堂集卷第十

大祀齋居

齋居奉廟久
菴寅長紀贈

寄鍾鍾石翰長

寄贈介立舊寅長

次紫巖太宰齋居

次費學士齋居

次胡太常齋居

予昔在翰林禮部楊月湖汪閒齋二先生齋居

予詩會今二公已下世矣感舊述情而題此句

至日墓公集靈谷寺

靈谷寺次浚川大司馬韻

次久菴少宗伯

晨經鳳臺門

登雨花臺

過永寧高座二寺

送司空秦公赴召

贈士鳴年兄

金陵懷古

樂道吟

東園燈宴

贈參贊王公浚川

哭東井內况

上陵作

宿鷄鳴山

省中元會

元旦 孝陵陪祀

元日久菴少宗伯九峰太常集飲

鈴山 御書樓成自述短詩

題顧中丞山居

和太宰紫巖送春四首

寄歐從龍侍御

致政劉光祿偶見遂別賦贈

送黃小司徒

寄壽張允敬同年

寄題歐侍御碧谿草堂

題石灘卷

石渠詩

題程齊節畫

題胡司寇

奉送浚川王公赴召

賀紫巖劉公忝贊留務

王銀臺北上識別

題晏守備畫

送大司寇周公致政

九日金陵城西泛舟同顧中丞

陳中丞年兄陞大理卿贈別

贈陳虞山中丞之南顧

大司馬劉公宅翰林諸寮修瀛洲之會限韻

金華卷一
三
答潘石泉年兄見贈

院堂之集予以病不赴次韻答諸公

大司成陸公枉駕鈴山草堂作此寄謝

送大理周公赴召

送張中丞赴召北臺

會林介立先生宅限韻

贈林大理次崖

鈴山堂集卷第十

詩 南銓藁

大祀齋居

省闕南宮靜台階北斗齊露承金掌近天傍玉繩低
寂人稀語松高鶴對棲舊編開自校窗火照青藜
坐漏頻移榻聽鐘更振衣月疑開寶扇雲憶閃朱旂
樂今周祀河山舊漢畿翠華天北極遙仰六龍飛
露筍分朝饌鑪沉換夕薰地嚴增闕寂味澹謝芳葦澄
漢懸珠斗層霄駐彩雲百辟同明德千春奉聖君
黍竊紆朱紱棲遲記玉堂鍾陵山上月重此對清光白

日看駒隙青雲愧驚行所嗟心寸草何以報春陽予昔
院去後八載
承領禮曹

齋居奉同久菴寅長紀贈

松栢高姿蘭蕙薰郊齋北郭舊論文寧非夙世神仙侶

華省青精更對君公昔官臺屬饒

叔度令予鄙吝消英詞往往奏英韶文章已見追前古

禮樂還應翊聖朝

寄贈鍾石翰長

咫尺南宮近木天羨君官府是神仙鸞鳳會整齊青

石水還留白雲篇

玉署清衙直似水文章兩斗價逾增古槐修竹清世

文談詩記我曾

寄贈介立舊寅長

子省清遊易歲年留臺重望借才賢鸚鵡故集丹山樹

奎璧還聯紫極天麟閣石渠須制作碧山滄渚寄延緣

懷人正有停雲思撫景空彈白雪絃

次紫巖太宰齋居韻

遙想泰壇燔璧夜彩雲晴護帝城春帷宮御氣臨黃屋

閣道爐烟上繡茵翠管銀罌霑澤舊椒花栢葉獻年新

留曹自是均勞地珍重台衡報主身

省閣松陰動日華仙卿高詠興無涯正逢山翠開書幌
擬近池波著釣槎問闔北雲頻望闕烟花南國更移家
甘盤舊學留宸眷早晚徵綸拜寵嘉

次費學士齋居

玉堂幽事鎮相闕雪茗雲笈興未慳春濫烟花迷紫禁
夕簾蒼翠滿鍾山綸闈世掌看新命講殿晨趨憶舊
見說天庭起黃色北扉應待鳳書頒

次胡太常齋居

容臺齋祓靜鐘薰江郭晴烟靄瑞氛自識仙曹堪隱
馮過僚署喜論文海中鶴以通三島天此形樓臺五

和重多歡依玉樹別本三句帶思君

予昔在翰林禮部楊月湖汪問齋二先生齋居數

予詩會今二公已下世矣感舊述情而題此句

翎水烟雲寶氣清龜峰猿鶴已難招讀罷舊題空淚落
省蘭風竹晚蕭蕭

至日羣公集靈谷寺

青霞宿霧淨朝陰長笛洞簫悲遠林雲竇泉流一壑靜
石門路入萬松深迴廊古壁留名畫墜葉冷風助梵音
此地巖巒足幽勝歲時攜酒一登臨

有吳小仙畫壁

至日上方吟送酒盡看鸞鶴在烟霞陽回解谷時方泰

山繞鍾陵境自嘉林下幽香逢蕙草水邊春信見梅花
習池賓客今各勝轉覺風流與未涯

靈谷寺次浚川大司馬韻

深冬翠壑尚春姿八座輿駮共此時今代珠林開淨境
于年金塔禮眞師泉邊倚榻逢僧話樹底穿雲避鳥知
遲社虎溪俱勝事不妨重作後遊期

次从菴少宗伯

上方臺殿聳峩望近松門路轉遙山抱玉陵增氣色
磴盤琪樹入雲霄巖花當日迎龍馭澗水千年落鳳
林下誌公呼不起空餘遺事說梁蕭

高臺賞
律比

長經鳳臺門

臺屬久寂寞門今尚得名崗巒接地峻竹樹帶烟晴
日一以眺白雲空復情萬峰天外色一一抱神京

登雨花臺

雨花朝獨上寒望盡皇州獵獵海風至冥冥江霧流
樓臺開秘院城郭枕高邱今古浮雲色長歌寄此遊

過永寧高座二寺

永寧峰寺僻高座亦爲鄰曲徑無人到雲松自可親
吳花飄法界幽草發新春安得遺塵事林中結淨因

送司空秦公赴召

司空秦公赴召

又看冬省承優詔更折春梅送別筵江寺勸杯曾對雪
鳳樓鳴玉再朝天舟經故里迂仙棹衣近金爐上御烟
想到禁庭多雨露一時卿望盡才賢公昔被召司徒僕
會錢清涼寺值雪
十年鍾阜重遊地正喜從公柰別何垂老再逢宣室召
祖筵猶唱渭城歌南宮畫墁天顏近西苑春祠水樹多
周歷五曹誰得似聖朝勲業看嵯峨公歷任兩
京五部
贈士鳴年兄

金陵歲夜

簪盞欣相倚其如此別何江湖憂思在霄漢盛名多
霜吟倚柱春山隱薜蘿賜環知有日行矣養天和

都遺俗是昇平又聽盈門報次聲柏酒競傳知

土牛初獻識春耕萬家梅柳開烟市雙闕星河隱鳳城

萍海客遊今老大自慙濯質玷華纓京兆役民以鼓篋
管歌沿門報春國

未爐松火照春城夜雪寒燈對舊京霜髮暗催人易老

天涯獨宿夢難成因懷泉石違初志愧乏涓埃答聖明

燒竹引盃聊餞歲望鄉瞻闕總關情都人燔蒼木丹
葵松枝照夜

樂道吟

朱邱神仙館芸窗翰墨林簡編求至理泉石散幽襟
瑟聲靡間顏瓢味可尋獨攀叢桂隱時對白雲吟鍊氣

餐霞液齋心翫兔陰東平爲善意千載嗣徽音

東園燈宴

芳節誰招宴東園公子家甕浮千日釀燈燦九枝花林
榭凝歌吹樓臺滿月華習池風景異留賞未云賒

贈叅贊王公浚川

聖朝留鑰付元臣位重南都領縉紳身繫安危稱大老
道弘風雅作詩人指麾貔虎千營靜蘇息瘡痍萬戶春
共道政成催入輔漢家勲業待麒麟

哭東井內兄

曉登京兆貴科人歲時行義稱鄉黨每見文章重縉紳
天道茫茫那可問傷心歸櫬暮江濱

二年京國走紅塵客舍相依意自親往事恍疑春作夢
浮生空憶幻爲身可憐丹旆題新秩謾說烏紗換舊巾
銅綬向來消不得紆朱拖玉是何人

上陵作

十載朝陵路重來識翠微聽泉經石澗攀柏候金扉塵
鹿能迎客山雲故上衣那能不老犬舊侶覺全稀

宿鷄鳴山

寺峰雲霧裏重借石堂眠猶似當年到燈懸古佛前

省中元會

獻歲三陽泰祝 聖萬方歡卿雲朝氣合繁星夜炬攢
延閣綿鐘漏華省肅鷓鷯金塘初變柳玉砌已舒蘭秩
禮崇元化備職忝春官

元旦 孝陵陪祀

玉殿中峰裏烟開雲樹春盤烏棲露靜澗鹿向人馴弓
劔陵園闕旋衣歲日陳萬年周鼎地奔走備王臣

元日久菴少宗伯九峰太常集飲

竹烟松雪散餘寒莫羨桃符慶履端天地萬年吾道泰
陽和四海聖恩寬增齡更藉椒觴勸應習先傳綵勝看

德鄰能枉駕正依雲關共彈冠

鈴山 御書樓成自述短詩

樓成東園定何如紺帙牙籤盡賜書延眺巧當山色處
對揚榮荷 聖恩餘三春花氣薰蘭茝五夜虹光映斗
壺留與後人傳世澤要知經訓是菑畬

十載虛叨列近臣寶函宸翰拜恩頻雲霞捧出天家製
琬琰藏爲奕世珍萬古江山開棟宇百年忠孝報君親
願將天保歌周曆夜傍奎躔禮北辰

類隣松竹是吾廬廿載辛勤此卜居山近雲煙浮几案
門深賓從擁軒車敢將新構誇命奐但願淳風挹里閭

他日苦論歸老計，鄴侯惟有滿家書。

題顧中丞山居

城居厭煩鬱，遙在碧山樓。石徑雲俱靜，松窻路轉迷。
到來峰歷歷，吟處草萋萋。我憶聞高論，春醪遠爲攜。
桃樹仙人宅，春山不可尋。假隨芳草去，言到白雲深。
片月窺蘿幌，啼鶯遶竹林。亦知難久卧，四海望爲霖。

和太宰紫巖送春四首

風晴芳絮紫，書幌日晚餘。花照酒卮傳，語更人休事。
宰公方詠送春詩。

工寺花枝開不盡，曾與幽僧開。若非東君有意如相惜。

莫道風吹片片飛

春因春別恨，匆匆酌酒看。花興轉濃聞，說郭西花更香。
吳公同止最高峰。

便買春醪日典衣，及時行樂莫相違。白鷺洲前寧入駐。
紫薇紅藥待公歸。

寄歐從龍侍御

壯心黃鵠青冥上，舊業蒼山楚水南。誰道向來經濟畧。
種畬栽樹伴農談。

致政劉光祿偶見遂別賦贈

碧山高榻卧清風，幾許音書渺未通。舊日綈袍仍戀戀。

百年塵路苦匆匆華軒濫處真慙鶴世網難羈獨羨鴻
明日吟詩向何處白雲江上倚孤蓬

送黃少司徒

去國十年仍赴召遭逢今覩漢儀新烟花對酒留春棹
舞珮衝星上紫宸館中朋輩誰同在白下交期我重親
臺省故人如見問爲言閒僻稱吟身

寄壽張允敬同年

吾愛張平子餐霞東海陰異方仙客授高行里人飲久
祝林中駕彌清塵外心無因介眉壽遠寄鶴飛吟

寄題歐侍御碧谿草堂

經史谿堂何處尋石潭沙島靜陰扁舟客到柴門
芳樹鶯啼草屋深霜簡皂囊酬夙志渚蘭汀芷寄閒
濯纓擬和滄浪曲抱膝還爲梁甫吟

題石灘卷

吾愛石灘子爲賦石灘吟雲波晴瀉練風瀨暗鳴琴澹
逸鳥鷗侶青蒼楓栝林塵縷何日濯訪爾草堂深

石川詩爲婺源汪子賦汪子思親所嘗遊也

羨馭無停轡川流靡迴波朝見枝上花暮觀葉辭柯伊
昔親在時杖履此婆娑奄忽逝如斯忍賦詩蓼莪極痛
菱荷發清欄鳧鴈多向來釣遊處白石橫秋蘿甜石復

懷川攬涕傷如何

送盛程齋都憲

欲尋東海黃金竈仍向浮羅碧玉峰人世塵勞知己息

仙山靈藥會相逢

銀魚錦豸承恩日綠水丹山歸隱時迢迢且喜從吾好

寵辱由來非我知

送胡司寇

長干寺裏幾迴來折柳尋花醉此迴同榜四人公復在

後期何地更啼猿

送浚川王公勉

名標須稟棟天遠待鳳鸞聖畏勞側席時望切彈冠

漢恩波近江湖別路漫所嗟從教遠長展卷詩看

雄峻稱三獨清忠仰百寮天書新寵渥霜署舊風標威

張臺綱肅春行郡國遙向來經濟望好答聖明朝

紫巖劉公叅贊留務賀贈

玉堂延閣舊儒僊華省三臺次第遷待入鳳池司帝制

覽持龍節掌兵權寰區人物甄陶內建業山河控制前

其道全才齊吉甫早聞功德格皇天

公歷留都吏
禮兵三部

王銀臺北上識別

發官來共秣陵居每誦清詩歎起予晚歲欲諧金石契

新恩重下紫泥書驛驕逸步請長道鷓鴣崇班止玉除
對此江南相憶否還將尺素付雙魚

長安里第似幽居水石流傳亦到予芳會更移泉上酌
舊題多認竹間書能留嘉蔭堪憐護適閒心草未除
君去好隨天闕鳳吾衰終釣楚江魚

王師第長安街山池甚勝予代居之

題晏守備畫

汲泉抱甕誰家婦伐嶺負薪何處翁要識民間貧苦事
此圖長置此堂中

當午鋤禾婦子同力田心只願年豐人簡最樂
看取幽詩七月風

送大司寇周公致政

海東歸駕杳難攀松桂清陰滿舊關老境正逢開口笑
異途誰得乞身還花邊曳杖吟隨鶴湖上移舟坐看山
暮勞有人能繼美恩波長在五雲間

九日金陵城西泛舟同顧中丞

松塢顧中丞吳郡施子仁攜酒邀予自石城沿水西
門經朱雀橋入通津門歷覽諸勝抵暮而返昔人九
日有登高之會吾儕周覽名都登艦展席林郭紫紵
水天容與亦一勝矣乃賦近體二章貽之同好以附
囊萑故事云

颯洲荻浦水雲長素舸筠簾水雲光霞氣入江明島嶼
浪花霑席淨琴觴伴人泛泛鷗何逸媚石輝輝菊自芳
非是龍山吹帽客還將幽意寄滄浪

龍河西渚石城隈九日風烟霽色開帝苑樓臺雲裏見
澄潭鳧鴈鏡中回青溪渡轉橋橫木朱雀航空月映苔
千古風流今獨勝中丞與客泛舟來

陳中丞年兄陞大理卿贈別

拜月霜回入紫微法星迢遞別南圻江波共惜仙帆遠
臺路爭看繡斧歸松柏晚堂水澗立鷓鴣春傍禁城飛
江東雲樹遠相憶榜下同年太覺稀

贈陳虞山中丞之南

清嚴祠前秋水清鬱孤臺上暮雲平江闕粵嶠開雄鎮
聖勅兵符借老成正以冰霜論節操須知魚鳥避威名
天南舊路君應識惟喜梅花管送迎君嘗謫官嶺南過此

大司馬劉公宅翰林諸寮修瀛洲之會限韻得詩

四首

鍾山晴對草堂青勝日芳筵更此庭花霧竹烟籠氣色
奚雍唐省備儀形直令薄墨追三代坐見文章似六經
却憶北扉供奉日幾回鐘漏候明星

十年重見柳條青剝水殘山舊所經勝會正看鷓作侶

瘦軀翻訝鶴同形情娛尊俎堪移日地遠江湖漫聚星
食飽事閒兼吏隱不知何以答虞庭

菊叢橙實競寒青客舍鍾陵歲幾經玉署後遊論接武
金蘭交契到忘形盍簪瓊樹羅玄圃張樂冷風起洞庭
已報泰階呈國瑞夜闌搔首望天星

烹茶燒竹坐談經正愛清香滿戶庭賴有琴觴能遣俗
都無案牘可勞形上林梧竹棲羣鳳東壁文章紀二星
他日漢家麟閣上願期勲業在丹青

答潘石泉年兄見贈

未肯同埃輟帝庭有聞優閒無吏道山川若勝有
江湖敢替憂君念夜夜頻瞻紫極星

院堂之集予以病不赴次韻答諸公

玉堂開宴勸杯寬彩筆題詩灑墨乾繞檻山圍鏡繡障
通簷竹長鳳凰竿舊遊愛憶仙曹隔此院雅會身慙
病累千八座軒裳俱俊彥兼葭那得倚琅玕

大司成陸公枉駕鈴山草堂予遠寓金陵無緣
廷感別增情作此寄謝次原韻

蒼禁儒僊蔽省使近傳旌節過林邱青苔地僻無人
登竹天寒可自留想復移舟空對雪誰能載酒共登樓

為吟佳句增渴眼目極孤雲楚水頭

甯東我昔登公堂豈意公猶慶我鄉海內交遊同

天涯涕淚各參商關山落日雲千嶂河漢懷人水一

永玉丰神鸞鳳羽百年愚谷借餘光

攀留能愛小山叢此日相過似夢中萍海漫憐身作客

杏園俱憶覺成翁多懶華省近高駕可笑貧家只素風

想見江山入題品玉堂椽筆是參江

送大理周公赴召

李晚離尊集波晴錦纈關使旌移北斗卿月近西臺奏

歌平天憲登延閣山才每知湘冰客重觀漢水

送張中丞赴召北
以翰林例出關外乃獨

有今召

昔日並辭金馬客天書榮召似君掄獨鶴歸塵島

節領群星入太微西臺執法播霜筆東掖趨朝者多衣

共說為儒堪重寄益看吾道有光輝

會林介立先生宅限韻

眼中世事何多虞置酒高堂聊讌娛衣冠朋盡老

風雨林花半有無主人情致何所似炯炯清水涵

愧余寮案平生分選爾雲霄萬里途

贈林大理次達

廷尉平反力有餘
 畫簾朱墨更忘劬
 存疑遍示諸生
 傳信新刊兩寺書
 芹曝猶堪獻至尊
 皇王治道有新論
 漢庭帝鑒明如日
 次第還行賈誼言

